

सीसेन विध्यति । द॒न्द॒शू॒का॒ने॒वाव॑यजते । तस्मात् क्ली॒बं
द॒न्द॒शू॒का॒द॒ःशू॒काः । निर॑स्तं नमु॒चेः शिर॑ इति लोहि-
ताय॒सन्निर॑स्यति । पा॒प्मान॑मे॒व नमु॑चिन्निर॒वद॑यते ।
पा॒णा॒आ॒त्मनः॑ पूर्वेऽभि॒षि॒च्या॒इत्या॑हुः ॥ २ ॥

सोमो॒राजा॒ वरु॑णः । दे॒वा ध॑र्म्मसु॒वश्च॒ ये । ते ते॒ वाचः॑
सुव॑न्तां ते ते पा॒णः सु॑वन्ता॒मित्या॑ह । पा॒णाने॒वात्म॑नः
पूर्वा॑नभि॒षि॒ञ्चति॑ । यद्भू॒यात् । अ॒ग्नेस्त्वा तेज॑साभि॒षि-
ञ्चामी॑ति । तेज॒स्येव॑ स्यात् । दु॒श्च॒र्म्मा तु भ॑वेत् । सो-
मस्य॒ त्वा द्यु॒म्नेना॑भि॒षि॒ञ्चामी॑त्याह । सौ॒म्योवै दे॒वत॑या
पुरु॑षः ॥ ३ ॥

स्वयै॒वैनं॑ दे॒वत॑याभि॒षि॒ञ्चति॑ । अ॒ग्नेस्तेज॑सेत्याह ।
तेज॑ए॒वास्मि॑न्दधाति । सूर्य॑स्य॒ वर्च॑सेत्याह । वर्च॑ए॒वास्मि॑-
न्दधाति । इन्द्र॑स्य॒ इन्द्रि॑येणेत्याह । इन्द्रि॑यमे॒वास्मि॑न्दधा-
ति । मि॒त्रावरु॑णयोर्वी॒र्येणेत्या॑ह । वी॒र्यमे॒वास्मि॑न्दधाति ।
मरु॑ता॒मोज॑सेत्याह ॥ ४ ॥

ओज॑ए॒वास्मि॑न्दधाति । क्ष॒त्राणां॑ क्ष॒त्रप॑तिरसीत्याह ।
क्ष॒त्राणामे॒वैनं॑ क्ष॒त्रप॑तिं करोति । अति॑दि॒वस्पा॒हीत्या॑-
ह । अत्य॑न्यान्पाहीति॒ वावै॑तदाह । समा॑व॒ष्ट॒न्नध॑रा-
गु॒दीची॑रित्याह । रा॒ष्ट्रमे॒वास्मि॑न्ध्रु॒वम॑कः । उ॒च्छे॑षणेन